

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headline

- प्रधानमंत्री नरेन्द्र मोदी अज्ज होर नमीं दिल्ली च विकसित भारत युवा संवाद 2025 च हिस्सा लैडन। उनें आखेआ ऐ जे राष्ट्र दी विकास जात्तरा च युवाएं गी शामिल करने दी एह इक अनोखी पैहलकदमी ऐ।
- प्रधानमंत्री मोदी होर कल जम्मू-कश्मीर च सोनामर्ग सुरंग दा उद्घाटन करडन।
- मुख्मन्त्री ओमर अब्दुल्ला होरें प्रधानमंत्री हुंदे आसेआ कीते जाने आहले सोनामर्ग सुरंग दे उद्घाटन कोला पैहले उत्थे कीते गेदे बंदोबस्तें दा जाजया लैता
- लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर, नारको आतंकवाद आहले तंत्र गी तबाह करने ते नशे दी कवैतू दा मुकाबला करने लेई वचनबद्ध ऐ।
- युवा सेवाएं ते खेड्ढ मंत्री सतीश शर्मा होरें केन्द्री मंत्री सरबानन्द सोनोवाल हुंदे कन्नै मलाटी करिये जम्मू-कश्मीर च अंतर्देशीय जलमार्ग ते शैहरी इलाकें च पानी सरबन्धी परिवहन ज्नेय महत्वपूर्ण मामलें पर चर्चा कीती।

<><><><><><>

PM-Viksit Bharat

प्रधानमंत्री नरेन्द्रा मोदी होरें आखेआ ऐ जे विकसित भारत युवा नेता संवाद देशै दे युवाएं गी राष्ट्रे दी विकास यात्रा च शामिल करने दी इक अनोखी पैहल ऐ । मोदी होरें युवा ते खेड मामलें दी राज्या मंत्री रक्षा खडसे हुंदा राष्ट्री युवा उत्सव 2025 ते विकसित भारत युवा नेता संवाद पर लिखे दा इक लेख साझा कीता। उने आखेआ जे इस कार्यक्रम दा मकसद विकसित भारत दे सुखने गी साकार करने आस्तै युवा मस्तिष्कें दी ऊर्जा, रचनात्मकता ते नेतृत्व गी दिशा प्रदान करना ऐ।

अज्ज राष्ट्र युवा दिवस दे मौके पर प्रधानमंत्री नरेन्द्र मोदी होर नमीं दिल्ली दे भारत मंडपम च “विकसित भारत युवा नेता संवाद-2025” च हिस्सा लैगन। प्रधानमंत्री होर केइएँ गतिविधिएं च शामिल होंगन जेहड़ी राष्ट्र दे भविष्य युवा नेताएं गी सशक्त बनाने लेई ते उनेंगी प्रेरणा देने लेई तैआर कीतियां गेइयां न। इस मौके पर

प्रधानमंत्री होर “विकसित भारत चैलेंज” राएं चुनोए दे त्रै जहार युवाएं कन्नै गल्लबात बी करगंन। कार्यक्रम दरान युवा विकसित भारत लेई उंदे नजरियै गी ध्याने च रखदे होई तैआर कीती गेदियां प्रदर्शनियां गी दस्सगंन। एहदे शा पैहले कल प्रधानमंत्री होरें आखेआ जे विकसित भारत युवा संवाद राष्ट्र दी विकास यात्रा च युवाएं दी शमूलियत जकीनी बनाने लेई इक खास ते अनोखा मंच ऐ। उनें आखेआ जे एह कार्यक्रम युवाएं दी समर्थ ते उंदी सोच गी विकसित भारत दे बिजन गी जकीनी बनाने लेई इक महत्वपूर्ण गैह साबत होग। प्रधानमंत्री मोदी होरें युवा मामले ते खेड्डें दे राज्यमंत्री रक्षा खडसे आस्सेआ राष्ट्रीय युवा महोत्सव 2025 पर लिखे गेदे इक लेख गी सांझा कीता।

<><><><><><>

PM-Sonamarg Tunnel

जम्मू-कश्मीर लेई इक महत्वपूर्ण पैहलकदमी दे तैहत प्रधानमंत्री नरेन्द्र मोदी होर औंदी 13 जनवरी गी बड़े मते सामरिक महत्वै आहली 6 किलोमीटर 400 मीटर लम्मी सोनामर्ग सुरंग दा उद्घाटन करडन। प्रधानमंत्री हुंदे दौरे शा पैहले समूलचे खित्ते, खासकरियै श्रीनगर ते मध्य कश्मीर च सुरक्षा सरबन्धी हीले निगगर करी दित्ते गे न। 2 जहार 700 करोड़ रुपें दी इस परियोजना कन्नै श्रीनगर ते सोनामर्ग बश्कार पूरे बरे हर रूतै च सिड़क संपर्क दी सुविधा उपलब्ध होग ते कन्नै मुकामी कारोबार ते सैलसफा गी बी बढावा थहोग। इस परियोजना कन्नै श्रीनगर ते लेह बश्कार सफर दा समें बी घटोग ते एह इलाकाई ढांचागत विकास ते संपर्क दे लेहाज कन्नै खित्ते च इक ऐतिहासिक गैह साबत होग।

<><><><><><>

CM Sonamarg Yunnel

प्रधानमंत्री नरेन्द्र मोदी हुंदे आस्सेआ सोनामर्ग सुरंग दा औपचारिक उद्घाटन करने थमां पैहले मुख्मन्त्री उमर अब्दुल्ला होरें गांदरवल जिले दे सोनामर्ग च परियोजना आली थाहर दा दौरा लाया ते कीते जा'रदे इंतजामें दा जायजा लैता। इस मौके पर उंदे सलाहकार नासिर असलम वाणी ते कंगन थमां विधायक मियां मेहर अली होर मजूद हे। मुख्मन्त्री सचिव अटल डुल्लू ते कश्मीर दे डिवीजनल कमीशनर वी.के.बिदुरी होरें मुख्मन्त्री होरें गी सरबन्धी व्यापक ब्यौरा उपलब्ध करोआया। श्रीनगर-लेह जरनैली शिड़क पर बनी दी 6.4 किलोमीटर लम्मी रणनीतिक स्हाबै महत्वै आली सुरंग दा उद्घाटन प्रधानमंत्री हुंदे आस्सेआ कीता जाग। मुख्मन्त्री होरें सुरंगे दा जायजा लैता ते कम्में च लग्गे दे इंजीनियरें ते कम्मगारें कन्नै गल्ल कीती। उनें उस थाहरै दा बी दौरा लाया जित्थुआं प्रधानमंत्री होर किट्टै गी संबोधत करगंन।

<><><><><><>

DM-Blind School Visit

जम्मू दे जिला मैजीस्ट्रेट सचिन कुमार वैश्य होरें समाज कल्याण मैहकमे दे निदेशक रूपेश कुमार हुंदे कन्नै रूपनगर स्थित कुड़िएं ते जागतें दे लूइस ब्राइलीमैमोरियज रिहायशी स्कूल दा दौरा लाया। उनें बर्जुगें दी दिक्ख—भाल ते मनोरंजन सरबंधी केन्द्र दा बी दौरा लाया। अपने इनें दौरे दरान उनें उत्थें दित्ती जा'रदी सहूलतें ते सेवाएं दा जायजा लैता। उनें बर्जुगें ते दिक्खने सकने च माजूर बच्चें कन्नै गल्ल कीती ते उंदी समस्याएं ते जरूरतें दा जायजा लैता। इस निरीक्षण दा मकसद उत्थें दित्ती जा'रदी सहूलतें ते होरने सुविधाएं दा जायजा लैना हा।

<><><><><><>

Udhampur Umeed SHG(byte)

उधमपुर दे डीसी दफ्तर परिसर कश जिले दे उम्मीद स्वयं सहायता समूह आस्सेआ लौहड़ी सरबंधी कार्यक्रम दा सरिस्ता कीता गेआ। इस दरान उत्थें आप सहायता समूह दे मिंभरें आस्सेआ बक्ख—बक्ख उत्पादें दे स्टाल लाए गेदे हे। एहदा मकयद मकामी कला, हुनर ते समुदायिक भावना गी बढ़ावा देना ऐ। इस मौके पर बोलदे होई इक मकामी महिला आशा देवी नै आखेआ.....बाईट

<><><><><><>

Udhampur Property Attached

नशीले पद्धार्थें दी तस्करी करने आलें खलाफ अपने जतने तैहत उधमपुर पुलस नै नशीले पद्धार्थें दी तस्करी करने च शामिल इक गडडी गी जब्त करी लैता ऐ। पुंछ जिले दा रौहने आला मोहम्मद हाफिज इसलै पुलस दी हिरासत च ऐ। नशीले पद्धार्थें दी तस्करी सरबंधी कनून तैहत ओहदे पर मामला दर्ज ऐ।

<><><><><><>

LG NCB Conference

केन्द्री गृह ते सहकारिता मंत्री अमित शाह होरें नारकोटिक्स कन्ट्रोल ब्यूरो — एनसीबी आसेआ नमीं दिल्ली च आयोजित इक इलाकाई सम्मेलन दी कल प्रधानता कीती। इस सम्मेलन दा विशे—सार हा 'नशे पदार्थें दी तस्करी ते राश्ट्री सुरक्षा'। लेफ्टिनेंट गवर्नर मनोज सिन्हा होरें जम्मू थमां वर्चुअल ढंगै कन्नै इस सम्मेलन च हिस्सा लैता ते नारको आतंकवाद सरबंधी तंत्र गी तबाह करने ते नशे दी कवैतू दा मुकाबला करने दी जम्मू—कश्मीर दी वचनबद्धता गी पक्का कीता। सम्मेलन गी संबोधित करदे होई एलजी होरें दस्सेआ जे ब'रे 2024 दरान नशीले पदार्थें दी तस्करी खलाफ ठोस कार्रवाईयां करदे होई सरबन्धत कानून दे तैहत तस्करें दिएं 188 संपत्तियें दी कुर्की लेई शिनाख्त कीती गेदी ऐ। एहदे अलावा बार—बार नशे दी तस्करी च मुलव्वस पाए जाने आहले 274 दोषिएं गी पी.आई.टी.—एनडीपीएस कनून तैहत हिरासत च लैता गेआ ऐ। श्री सिन्हा होरें गलाया जे पिच्छले केई ब'रें दे मुकाबलें च ब'रे 2024 दरान खरे मते सुधार आंदे गे न ते 210 दोषिएं गी सजा

बी दोआई गई ऐ। उनें आखेआ जे सरकार नशे दे गैर—कनूनी कारोबार गी पूरी चाल्ली तबाह करने लेई दृढ़ संकल्प ऐ कीजे एह कारोबार देसै दी सुरक्षा ते अखंडता लेई सिद्धे तौर पर चुनौती पैदा करदा ऐ। उनें दस्सेआ जे नेय मामलें पर तेज रफ्तार कार्रवाई लेई 5 विशेष एनडीपीएस अदालतां स्थापित कीतीआं गेइयां न।

<><><><><><>

Satish Sonowal

युवा सेवाएं ते खेड्डें सरबंधी विभाग दे मंत्री सतीश शर्मा होरें कल बंदरगाहें, जहाजरानी ते जलमार्गें सरबंधी केन्द्री मंत्री सरबानन्द सोनोवाल हुंदे कन्नै मलाटी कीती ते जम्मू—कश्मीर च अंतर्देशीय जल मार्गें ते शैहरी इलाकें च पानी सरबंधी परिवहन ज्नेय महत्वपूर्ण मामलें पर चर्चा कीती। मंत्री होरें पानी सरबंधी ट्रांसपोर्ट आहले ढांचे ते अंतर्देशीय जलमार्गें सरबंधी परियोजनाएं दे ऐलान लेई केन्द्र सरकार दा आभार जताया। इ'नें परियोजनाएं च झेहलम दरेया च क्रूज सैलसफा लेई जैट्टियां चलाना, छत्ताबल बन्न दी मरम्मत सरबंधी कम्म बी शामिल न। गल्लबात दरान मंत्री होरें भारत दे अंतर्देशीय जलमार्ग प्राधिकरण ते बंदरगाहें, जहाजरानी ते जलमार्गें सरबंधी मंत्रालय तैहत्त जम्मू—कश्मीर च जलमार्ग ते जल स्रोत विकसित करने दी बेशुमार समर्थ पर लोऽ पाई ते आखेआ जे एह कन्नै खित्ते दे समाजी—आर्थिक विकास च बड़ा मता जोगदान होग। सतीश शर्मा होरें केन्द्री मंत्री होरें'गी डल झील, नगीन झील, मनसाबल, मानसर, सरूईसर, रन्जीत सागर ते होरनें महत्वपूर्ण दरेयाएं जि'आं सिंध, झेहलम, चिनाब, रावी, मुनावर तवी ज्नेय महत्वपूर्ण जल मार्गें दे विकास बारै बी अवगत करोआया।

<><><><><><>

Ramban

रामबन दे समाज कल्याण मैह्कमे आस्सेआ जिले च महिलाएं दे सशक्तिकरण सरबंधी प्रोग्राम तैहत्त मिशन शक्ति दी शुरूआत कीती गई ऐ। एहदा मकसद महिलाएं दी सुरक्षा ते उनेंगी आर्थिक तौर पर सशक्त बनाना ऐ। एहदे तैहत्त केई सारियां सेवां जियां कनूनी सेवा ते परामर्श बगैरा उपलब्ध करोआया जा'रदा ऐ। एहदे अलावा 24 घंटे कम्म करने आले हैल्पलान ते आरजी आसरमे बी उपलब्ध करोआए जांगन। रामबन च प्रशासन आस्सेआ महिलाएं गी सशक्त बनाने लेई केन्द्र कायम कीते गे न तां जे इलाके दिएं जरूरतमंद महिलाएं गी फौरी मदाद उपलब्ध करोआई जाई सकै। इस बारे बोलदे होई रामबन दे जिला समाज कल्याण अधिकारी राहुल गुप्ता होरें आखेआ.....बाईट

<><><><><><>

Weather / Highway

मौसम विभाग नै 14 जनवरी तगर मौसम खुश्क ते बदलोखड़ा रौहे दी पेशगोई कीती ऐ। यात्रुएं गी राश्ट्री जरनैली शिड़क उप्पर दिन दे समें च यात्रा करने दी सलाह जारी कीती गई ऐ। उआं जम्मू श्रीनगर राश्ट्री जरनैली शिड़क उप्पर दौने बक्खी दा गड्डिएं दी आओजाई बरोबर जारी ऐ। तोआई मुगल शिड़क जेहड़ी राजौरी ते पुंछ गी शोपियां जिले कन्नै जोड़दी ऐ, पिच्छले केई दिनें थमां बर्फ गी हटाने दे कम्म दे चलदे अजें बी बंद पेदी ऐ।

<><><><><><>